

جریدہ علیہ

مشیت جلیلہ اسلامیہ ناک جریدہ رسمیہ سید

ذی القعدہ ۱۳۳۷

عدو ۴۸

آیدہ بر نشر اول نور

بشخی سنہ

معنی صلاح

زوالی مسلمان ! سکا نه اولدی که آبا واجدادکی موقع بالارین سعاده ایصال ایدن
تختگاه حاکمیت جهانه افساد ایلدین دین میتک اوامر و نواهیسنه قارشلی لاقید
بولونیورسک .

کتاب الاهی حرز جان ایده جککه ، سنت رسول لله امتالی بر ضرورت حیاتیه
بیله جککه اساطیر شیطانییه فراموش ایتهمکی ، ابطال الحاد و تقابیر و رانی در آغوش
ایلمکی لازمه انسانیت ظن ایدیورسک .

تؤسس بیدان دین مین اولان ذات اقدس رسالتیناهی .. صلیا علیه وسلم - اطرافنی
احاطه ایدن ، قودورمش جانورلر کی اوزرینه هجوم ایلدین سقهایه قارشلی سئورجه
مجاهدهده بولدقدن ، طریق حق و حقیقده مردرلو مشکلات و موانع رغنمات
ایلدکن مکره عاقبت حقک بطلانه غلبه ایده جکنی جهانه کوسرتمشلی . رفیق اعلایه
اعتلا ایلد و اصل وصاتک الاهی اولدقده جانشینی اولان خلفای کرامی جزیره العربی پوت
شرك وارندادن قطیر ، رایت اسلامی حلال سحر کی افتدن افقه قتل و رکز ایلد
سنلردن بری حکمفرما اولان ظلمات کفر و طغیانی ازاله ایلدک سمای الایتنی سنور
ایلمشلی . دهنای حق و حقیقت اولان رسول رب العالمین ایلد خلفای راشدیتک اثر لرینه
تبعینی هم بروظیفه دیانت ، همد بر اثر درایت بیان اجدادیتک احوالیه نصب نکه
دقت ایلک بر مفکوره ملیت دگی در ؟

دین مینک سنک فعال اولمکی ، الله اغورنده فدا کارقده بولونماکی ، مکرم اخلاق
ایله انصافکی ، آفاق ، افسی آثار باهره قدرت الهیهنی تتبع و تأمل ایلد سنور وجدان
و افکاره جالینماکی و نهایت مبدأ و معادکی حسن ادراک ایلد رتبه اعلائی انسانیتی ادراک
ایده رک سرفراز اولمکی امر ایدرکن سنور و خودکام اولمکی ، عمای قلبیه ابتلا
نتیجمنی اولدق بستی درکه حیوانیه بوورالانغه حاضر لایمق کی روح اسلامییه
قطباً منافی اولان احواله تصدی نه الیم بر سقروط اخلاق در .

ابداع ایلدیکی مآثر بدیمه مدنیه ایلد دین میتک مظهر تحیل و تکریم اولدینی ساحه
نور انوری برترهتک بر سروره جوهرن اجدادک ، « ائمال المؤمنون اخوة » ، نزی المؤمنین

فی تراخیم وتوادهم وتماطفهم کشل الجسد اذا اشتكى عضوا تداعى له سائر جده بالسهر والحمى ، « المؤمن المؤمن کالینا یشد بضمه بعضاً » [« مسلمانان انجق قرداشدرلر »] مسلمانلری، یکدیگرینه قارشى ابراز ایتدکلى مرحمت ومودتده ، حنین و شفقتده کورده جک اولسهک ، برعضوی مضطرب اوله اعضای سائرسيله اویقوسزلق ونوبت اینجده مضطرب اولان برجده بکزمه دیرسک . « اخوت اسلامیه مقتضای اولان تعاضد وتناصر جهته ابکی مؤمنک تشکیل ایدمکى بنیان اجتماعى یکدیگرینی تأیید وتشیید ایدن اجزادن مترکب ضاعلام بر بنایه بکزره . » کبی دسانیر اسلامیتک برتمال مشخصی ایکن اظهارندن برآن خالی قالمادیفک تمایلات افتراقجویانه کیمدن توارث ایلدک ؟

اجدادک ، قدره سندن زیاده ایمان ایلدیکی حالده دائماً چالیشمش. ساحه حیاتده تصادف ایلدیکی مشکلات ومزاحمی اقتحام ایلمش، خصمای موجودیتده اظهار عجزومسکنت ایتمش وهیچ بزوجهله قبول مذلت ایلمشدر. اونک یگانه وارث مجد وعلو طبعی اولمسی احباب ایدن سن ایسه دائماً آرزی عطالت پرورده ایدیور، دائماً کندکده ضعف وقصور توهم ایلور، گذرکده حیانتکده انکل اولان موانع رقابتکارانه یه عدم مقاومتله مغلوب ومقهور اولمسی برجلوه قدر تلقی ایدیورسک .

اجدادک شبهه سزمتوکل ایدی . فقط نکاه ابتعاری دائماً « المؤمن القوی خیر واحب الی الله من المؤمن الضعیف وفی کل خیر احرص علی ما ینفعک ولا تمیز قان غلبک امرأ فقل قدرالله وماشاء فعل » [مؤمن اولدقلرنندن هر انکیسندده خیر موجود ایسهده حساب حقه قوی وعزمکار اولان مؤمن، ضعیف اولان مؤمندن ده خیرلی دهاسوبمیلی دره اظهارعجزایتمه ! مسکا منفعت بخش اولانی تحصیله حریص اول؛ انسانى سى وعملده مغلوب اوله حق اولورسک اووقت قدر بویله ایلمش؛ الله ایتدیکی یابار دیرسک] لوحه حقیقته منطف اولدیقتن نه وساده نشین عجزوعطالت نهده اجانبیه دستکشای استعانت اولمشدر. اجدادکده روح تجارتیه آشنا اولدیقتن ممالک اسلامیه بر منبع تجارت و ثروت اولمشدی . فی الحقیقه « التاجر الامین الصدوق المسلم مع الشهداء (امین ومستقیم اولان مسلمان تاجر، شهدا ایله محشور اوله جقدر) تبشیر عالیشان استفاده او ذوات محترمهک مقتضای علو همتی ایدی .

اجدادك مختكر دكل ایدی . زیرا « المختكر ملعون » [مختكر ملعوندر] تهدیدندن لرزه دار خشیت اولان مسلمانك حجرات دماغه بی افكار خبیله پرورده ایتمكدن دانما متعالی در .

اجدادك، تاریك شهادتیه مثبت اولدینی وجهه زقاده - مادته، انشراح قلب ایله، سرور و اتد - اطایله عمر گذار اؤاش، رایت استیلا سینك شرق و غربده موجه نمای هیئت و وقار اولدینی کورمكه بختیار بولنشدی . چونكه ؟ دان عصمتی « لم تظهر الفاحشة فی قوم قط حتی یملتوا بها لا فتن فیهم الطاعون والاولع التي لم تکن مضت فی اسلافهم الذین مضوا . ولم ینقصوا المکیال والمیزان الا اخذوا بالنین وسدة المؤنة وجور السلطان علیهم ولم یمنعوا زكاة اموالهم الا منعوا النقطر من السماء ولولا البهائم لم یطروا ولم ینقضوا عهد الله وعهد رسوله الا ساط الله علیهم عدوا من غیرهم فاخذوا ببعض ما فی ایدیهم وما لم تحکم انهم بكتاب الله ویخبروا ما نزل الله الا جعل الله بأنهم ینهم . » [علی بر صورتده اجرای فحش ایدن قوم، اسلافك مصاب اولدینی طاعون و سار امراض خبیله مبتلا اولور . اكینك اولچر قوللاق طریق حبله سلوك ایدن قوم، قحط و غلامه ، شدت تب و مشقه ، جور سلطانه دوجار اولور . زكاة اموالی ادا ایتمین قوم ، یاغوردن محروم اولور . حتی حیوانات اولماسه یاغورك یوزنی کورمز . عهد الله ، عهد رسول الله قرض ایدن ، تکالیف السیهی ایها ایتمین ، سنت سنه پیغمبری به تمك ایلدین قوم ، اخنی بر دشمنك دوجار هجوم و قهری اولورق ماملکندن بر قسمی ضایع ایدر . رؤسای کتاب الله دستورالعمل اولوق اوزره انتخاب و تعیین ایتمین ، احکام السیهی اجرای تطبیق ایلدین قوم ، محاربات و اختلالات داخله ایجنده بویلا اولور .] قول شریفده موضوع بحث اولان اقوامك فضیحه ایله لکدار دكل ایدی .

اجدادك، جهات اربعة ارضه شایان حیرت بر صورتده امتداد ایلدین ممالك معورمه سنده کی فیاض ازاضی غرس اشجار مثمره ایله باشند باشه دوناتیر ، حرارت و زراعت ایله مر طرفی بر خضارت و بطارت ایلر ایدی . چونكه ؟ « ما من علم یقرس غرسا او یزرع زرعاً ما اکل منه طیر او انسان او بهیمة الا کان له صدقة » [دکیلان براغاجك یمشندن ، اکیلان براکینك محمولندن بر قوشك ، یاخود بر انسانك ، یاخود هانکی بر حیوانك

بیاهی او اغاجی دیکن ، او اکبی اکن مسلم ایچون صدقہ در . [تشویق عالیسی بادی
عزم و فعالیت اولمشدی .

والحاصل اجدادیمز فضائل اسلامیه ایله تربین ذات وصفات اتمش انسان کامل ایدی .
حیا وعفتک ، وقار وسکینتک ، اخلاص و صداقتک ، امانت واستقامتک ، انصاف وعدالتک ،
عزم ومثانتک تمثال مشخصی ، بلکه هر فضیلتک نمونۀ مکملی اولان اجدادیمز اثریه
تبعیله کعبۀ هدای اسلامی به تمایله توجیه وجهۀ استقامت ایتک زمانی کلدی حتی یکدی
بیله . هایدی تارک دنیا غافل آخرت اولمقدن عبارت اولان شو وضعیت الیهی ترک ایله
عقلمیزی باشمزه آله ! ایقاسی متحکم اولان وظائفمزی علی الخصوص وظایف شخصیة
عبودیمزی حسن اجرا به چالیشلم ! اعمال صالحه اجرا یله مشغول اولهلم ؛ که « انا لانفیع
اجر من احسن عملا » [بز عظیم الشان ، احسان عمل ابدنک اجر بنی ضائع اتمیز]
بیورلشدرد . فکر استرقاب کبی برملتی متعدد اولدینی کاله ایصال ایدن دواعی ابتاهدن
محرومیتک نه بیوک برفلاکت اولدینی آجی آجی تجربه لرله اکلادیمز جهته آثار تقوی
و کمالی عبون حیرت وتقیریمزی خیر . دار ایدن اقوام مترقیه ایله متوازی قطع مسافه
حیات ایچون ایجاب ایدن اسباب و وسائلک احضار واستکماله بذل مقدورت ایدلم !

ای اخوان دین ! کلکیزتون احتراصاتی آفاق آله رقی ، بکدی بکریمز دست مضافه اوزانه رقی
مصافحه ایدلم ! « لا تبغضوا ولا تحاسدوا ولا تدابروا وكونوا عباد الله اخوانا ولا یحبل
لمسلم ان یمجرأخاه فوق ثلث لیل » [بربریکزه بنفص وحسدا یمیک ، آرقه کزی دونه یمیکز !
ای اللهم قوللری قرداش اولیکز . بر مسلمان ایچون مسلمان قرداشنی — آره لرتمه کی
دارغیناق دولایسیله ترک ایتسه بیله — اوج کیجه دن زیاده ترک ایتک جائز اولامااز .]
امر نبویسه امتثال ایدردک بر عائله ارکانندن بولندیمزی جهانہ کوستردم . دیمز عینی
دین ، مملکتیمز عینی مملکت ، فلاکت وسعادتمز عینی فلاکت وسعادت . شو وحدت لر
قارشی تمقیب ایدیله جک غایده . بالطبع عینی غایه اوله جفتدن آرده کی منافات ومشاجرات
ال برلکی ایله قالدیره . بق « الا اخرکم بافضل من درجۀ الصیام والصلوة والصدقة قالوا بلی
قال اصلاح ذات البین » [اوروجک ، نمازک ، صدقه نک درجه وتوابندن افضل اولان بر
درجه دن سزی خبردار ایدیم می ؟ سوال زسالتناهیسه های ! های ! یا رسول الله دیلمش ،
علیه الصلاة والسلام اقدمزده اصلاح ذات البینک یعنی بربرینه دارغین اولان ابکی مسلمک

آورده‌سی بولانك درجه‌بی در . و رمشد . [حدیث شریفه تصویر بیوریلان فضیلتی ،
 درجه‌بی احراره شتاب ایله‌لم ! « المؤمن مرآة المؤمن والمؤمن اخو المؤمن يكف عليه
 ضيعة ويحوطه من ورأه » [مسلمان ، مسلمانك آینه‌بی در . (یعنی آینه به باقن
 کند بیسی کوروب بشقه برشی کورمدیسی کی مامانده مسلمانن کوردیسی زمان کند بیسی
 کورور کی اولور دیمك دركه مقصد بین المسلمین وحدتك وجود بی ، مقایرتك عدم وجود بی
 تأیید در) مسلمان ، مسلمانك فرداشی در . میشتی جمع وتأمین صورتیله اكا معاونت ،
 غیاثه آتی هر شر و ضرردن مدافعه وصیانت ایله . [حدیث شریفه بیان بیورلدیسی
 وجهله هر بریمز دیگرنده تصادف ایله‌بی غیر مناسب احوالی مناسب بر لسان ایله اختصار
 ایده‌رك فردی ، اجتماعی نواقصك ازاله‌نه چالیشه‌لم ! یکدیگریمزه معاونت و ماصرته
 شتاب ایله‌لم ! عنوان مباهاتی سرنامه لا اله الا الله محمد رسول الله اولان وافرادی اوج
 یوز میلون مسلمان بولتان جمعیت قدیمه مزه تشید روابط ایده‌لم ! رفع آواز نفاق ، شق
 عصای اتفاق ایدن اشخاصی دشمن ایمان و جان بیله‌لم ! ربنا لاتزع قلوبنا بعد اذ هدیتنا
 وهب لنا من لدنك رحمة انك انت الوهاب .
 دارالحکمه اعصاندر

ربیع

